

三步許。卽再料取。務要布種均勻。則苗生稀稠得所。秦晉之間。皆用此法。南方惟種大麥。則點種。其餘粟豆麻小麥之類。亦用漫種。北方多用耨種。其法甚備。齊民要術云。凡種要牛遲緩行。種人令促步。以足躡隴底。欲土實。種易生也。今人製造砵車。隨耨種子後。循隴碾過。使根土相著。功力甚速。而當耨種者。竅耨貯種。隨行隨種。務使均勻。犁隨掩過。覆土旣深。雖暴雨不至剋撻。暑夏最爲耐旱。且便於撮鋤。今燕趙間多用之。區種之法。凡山陵近